

LES RVSES,
SVBTILITEZ, ET
STRATAGEMES DE
GVERRE, ENVOYE'ES AVX
Capitaines & Soldats,

Par un Cheualier François,

Avec l'ordonnance du Roy, sur le Reglement
& ordre que doit tenir l'Infanterie.



A P A R I S,
Par Fleury Bourriquant, en l'Isle du
Palais, rue Traversante.

M. DC. XVI.

THE NEWBERRY
LIBRARY

1658
39
326
1616
405

AVX CAPITAINES
ET SOLDATS.

Le Cheualier François.

ENCores qu'on voye les esprits de ce temps estre tellement montez au degré d'excellence & perfection, que l'on n'y puisse rien adiouster, toutesfois si faut-il cōfesser qu'il ne procede d'eux autre chose, qui autrefois n'ait esté ou de parole ou de faict mise en auant, & inuentée des anciens, lesquels les premiers nous ont en grand soing & labour diligemment tout defriché & labouré, ausquels partant nous deuons tout, ou la plus grand part de ce que nous en retenons. Je dy cecy (amy Lecteur) afin que du premier coup temerairement & à l'estourdie quelques ignorans & malings ne presument blasmer ces ruses, subtilitez, & stratagemes de guerre, non encores proprement mises en nostre langue: Neantmoins ie ne me soucie en rien, & ay aussi peu de crainte de la dent de tels zōiles & mal-vucillans, me persuadant & ayant ceste ferme opinion de vostre integrité & bien-vucillance, que ne dédaignerez, ains receurez & prendrez en bonne part ce petit œuure, non seulement tant pour l'antiquité venerable d'iceluy, & estre issu des plus Grands, fameux & vaillans Princes, Ducs, & Capitaines qui furent oncques, que pour estre propre à l'estat de vos Seigneuries: outre, que vous en pourrez recenoir & rapporter quelque profit & utilité, & vous en armer & aider lors que la nécessité le requerra.



L E S

RVSES, SVBTILITEZ,
ET STRATAGEMES
de guerre.

ET PREMIÈREMENT

*De Scipion l'Affricain, tres-vertueux
Duc des Romains.*

SCIPION l'Affricain, pour mieux re-
cognoistre & marquer les forces, or-
dres & contenance de l'armée de son
ennemy Siphax, Roy de Numidie, &
estre plus certain & assuré de ce qui sy faisoit,
transmist & enuoya pardeuers luy (comme en
ambassade) son Preteur Lælius, prudent & vail-
lant Cheualier Romain, accompagné & suiuy des
plus accorts & escarbillats genſd'armes & soldats
de son camp, desguisez en habits de pages, valets
& laquais, lesquels arriuez en l'ost de Siphax, lais-
serent tout à propos eschapper l'un de leurs che-
uaux, le plus farouche & hargneux de leur troupe,
qui se sentant sans bride & en liberté, avec mille
ruades, print sa course impetueusement çà & là, à
trauers l'ost Numidien. Adonc ces Romains de-
guisez, feignans courir après le cheual eschappé,
se separans l'un de l'autre, passerent par le milieu
& diuers endroits du camp de leurs ennemis, se

A ij

reposans quelquesfois, faisans semblât de reprendre leur haleine, afin de mieux accomplir leur dessein & stratageme; En quoy ils besongnerent si accortement & dextrement, & avec tel soing & diligence, qu'ils eurent tout loisir de contempler & sçauoir le secret de l'armée du Roy Siphax, & la maniere & façon de faire de ses gens de guerre. Ce faict, & retournez avec Lælius, par-deuers Scipion, ils l'aduertirent de l'ordre qui se tenoit en l'exercice des Numidiens: dont Scipion acertené, ne voulant perdre si belle occasion, la nuict mesmes fist mettre le feu par ses mesmes Romains és endroits du camp de Siphax, esquels il auoit esté par eux aduerty n'y auoir point de sentinelle, & où on ne se donnoit point de garde. Et cependant Siphax avec ses principaux gens d'armes, courant là part où il voyoit les feux allumez, & y estant fort empesché, Scipion de toutes ses forces vint soudainement assaillir & charger l'armée des Numidiens, lesquels estonnez de si soudaine venuë & alarme, & voyans d'autre endroit le feu en plusieurs lieux de leur camp, furent par ce moyen aisément vaincus & desconfits par les Romains, par ce stratageme & ruse de Scipion, ayant neantmoins beaucoup moindre nombre de gens que Siphax.

De Sertorius excellent Capitaine Romain.

SErtorius menant guerre en Espagne, & estant en grande necessité de passer vne riuiera, tant ses ennemis le pouresuiuoient & pressoient de

5
pres, voyant qu'il estoit contrainct de s'arrester
au bord d'icelle riuere, profonde & impetueuse,
fist en cest endroit là faire & dresser son logis,
assez large & spacieux, en façon & maniere de
croissant, & y porter force bois, pouldres, & au-
tres choses aisées à enflammer: Esquelles ayant
incontinent fait mettre le feu (pour estouper le
passage à ses ennemis) soudain avec ses gens passa
outre ledit fleuve, par-dessus vn pont qu'il auoit
faict faire, lequel soudain il fist rompre. Et ainsi
Sertorius par telle subtilité se sauua avec les siens
de la main de ses ennemis, qui ne peurent passer
ny assez tost l'acconsuiure, au moyen de ce feu.

De Marius Consul Romain.

MArius prest à dōner la bataille aux Cimbres
& Centoniques (nation d'Allemagne) &
voulant experimenter la foy & fidelité d'aucuns
peuples (qui se disoient estre ses amis,) leur en-
uoya des lettres, par lesquelles entre autres cho-
ses il leur defendoit de n'ouurir certaines petites
lettres encloses au mesme paquet desdites pre-
mieres lettres, iusques à certain iour porté par
icelles; auant lequel escheu, il renuoya expres (&
pour cognoistre l'affection qu'ils luy portoient)
querir lesdites petites lettres, lesquelles iceux
peuples auoient ja ouuertes. Par ceste ruse il
cogneut qu'il ne se deuoit fier en eux.

De Iules Cesar 1. Empereur de Rome.

Iules Cesar, Consul Romain, s'estant peu sagement & trop legerement embarqué en vn nauire au port de Siracuse (car son embarquement apperceu, tout subitement la chaine du port fut bandée & tendue,) se voyāt ainsi pris, fist promptement tourner la prouë de son nauire vers la chaine, & retirer tous ses gens vers la poupe, de sorte que la poupe estant tres-haute, & le nauire à pleine voile au-dessus de la chaine, fist en grande vitesse retourner tous les siens vers la prouë, de façon que par leur contrepoix ce nauire haulsé & baissé, franchit & passa outre la chaine, si bien que Cesar & sa troupe eschapperent ce peril, & prindrent terre.

De Lucius Silla, Duc Romain.

Lucius Silla menant guerre en Cappadoce, à l'encontre d'Archelaüs, Lieutenant du Roy Mitridates de Pont; fut tellement repoussé & poursuivy par les Cappadociens, qu'il fut acculé d'eux, en vn destroict, de sorte qu'il n'en pouuoit sortir: ce que voyant, apres auoir tenu feintement propos à ses ennemis de vouloir faire paix, il demanda cependant treues, lesquelles aisément luy furent octroyées, durant lesquelles sagement il tira luy & les siens du danger & lien auquel ses ennemis les auoient reduicts & ferrez.

De Hannon Duc de Carthage.

Hannon estoit pareillement enclos de ses ennemis, de telle sorte qu'il luy sembloit impossible s'en sauuer. A ceste cause, comme sage chef d'armée, ne voulant seul rien faire de sa teste, par le conseil & aduertissement des plus experts & vaillans guerriers de son armée, & afin de la sauuer avec luy à moindre peril & perte, il fist diligemment apporter force feurre, paille, & autres fourrages, dont y auoit ample prouision en son camp pour les logis d'iceluy, & nourriture des cheuaux en certains endroiets de sondict camp; esquels fourrages il commanda le feu estre incōtinent mis. Ce qui fut fait aussi tost; & à la grand' flamme & lueur subite de ce feu les ennemis de Hannon sortans de leurs tentes & pauillons, accoururent à bride auallée au camp des Carthaginiens; mais ils en estoient desia deslogés, & s'estoient sauez avec leur Duc Hannon au trauers ledit feu, ayans leurs escus & targues audeuant du visage, & le reste de leurs corps couverts d'habits, linges & autres couuertures moiüllées: ainsi sans crainte de flamme ny de feu, ny receuoir mal, ou bien peu, ce braue Duc Carthaginien bailla la basque aux Romains ses ennemis, yfiant de ce stratageme.

Des Boyans.

L'Ost des Romains s'acheminant vers la foret Latine, pour mener guerre aux Boyans,

fut desconfit par ceste ruse : Les Boyans aduertis du chemin que tenoient leurs ennemis, se transporterent les premiers en icelle forest, de laquelle ils scierent les arbres qui estoient sur le chemin où l'armée Romaine deuoit passer, si pres du pied, si auant & si proprement, qu'on ne s'en eust peu appercevoir, & fort aisez à precipiter & cheoir ; demourans lesdits Boyans cachez en ladite forest, si pres desdits arbres, & y faisans si bonne veille & guet, que l'armée des Romains (aumoins la meilleure partie) ne fut pas si tost entrée dans ceste forest, qu'elle ne fust aussi soudain acablée desdits arbres, que les Boyans firent tomber tout soudain sur lesdits Romains, estans entrez en ladite forest : le reste desquels fut par mesme ruse aussi aisément deffaict & déconfit, quelque grand nombre qu'ils fussent, & ce par peu de Boyans.

*De Hannibal tres-renommé & souuerain
Duc de Carthage.*

HAnnibal estant sur la riuiere du Rosne, en grand peine & soucy comment il pourroit y faire passer ses Elephans, esquels gisoit la plus grād force de son armée, (car il n'auoit batteaux assez grands & puissans pour ce faire) soudain s'auisa de ceste subtilité, qu'il auoit en son ost vn escrimeur, qui nageoit merueilleusement bien, auquel il commanda de frapper & blesser l'un des plus fiers & orgueilleux Elephans de sa troupe, estans ja sur le bord de ce fleue. Ce que fist ce

ioïeur d'espée, puis se jetta à nage dans le Rosne. Adóc l'Elephant se sentât navré, desirât se venger (comme est le naturel de telle beste) faulte apres l'escrimeur en la riuere, & estant bien auant en icelle, les Carthaginiens atiltrez à cest effect par le commandement d'Hannibal, chasserent & presserent les autres Elephans, de sorte qu'ils se lancerent tous au fleuue, trauersans apres le premier Elephant; lesquels tous passez, Hannibal avec son exercite en batteaux fist le semblable, sans aucune perte ny danger.

De Denis Roy de Sicile.

Denis Roy de Sicile estant aduerty de la descente des Carthaginiens en son Royaume, pour le soubsmettre en leurs mains, mist en garnison és chasteaux & fortes places les plus vail-lans guerriers de son pays, afin d'endommager ses ennemis par courses & saillies, leur commandant toutesfois de ne se laisser assieger, ains auant le siege dressé, brusler & gaster toutes les munitions d'icelles places, & se rendre secrettement par-deuers luy en sa Cité de Sarragosse, ce que les Siciens firent: de sorte qu'en peu de temps le Roy Denis eut vne grande & puissante armée. Les Carthaginiens trouuans ces chasteaux & fortes en grand nombre vuides, & dénuiez de gens d'armes, y laissoient grosses garnisons des leurs; par ce moyen diminuās & affoiblissans beaucoup leur ost: dont le Roy Denis aduerty, & sçachāt qu'il estoit assez fort pour les combattre, sortit

en campagne avec les Siciliens frais & dispos, & à l'impourueu vint donner la bataille aux Carthaginiens, & les desconfist : ce qui ne leur fust aduenus s'ils n'eussent donné temps & loisir à leurs ennemis d'eux renforcer & adioindre des forces, & qu'eux-mesmes n'eussent tant amoindry leur armée, en delaisant derriere eux la meilleure partie de leurs plus excellens gens d'armes & soldats es garnisons dessusdites, sans qu'il en fust grand besoin ny necessité.

Des Espagnols.

LEs Espagnols contraincts & forcez d'auoir la bataille contre Amilcar Duc de Carthage, se doutans n'estre les plus forts, firent prouision de grand nombre & quantité de bœufs, qu'ils accouplerent deux à deux, trainans certaines legeres charrettes, fort oinctes de poix, huilles & graisses, & chargées de force paille, entremeslée de soufre; & conduirent iceux bœufs au plus espes & fort de la bataille. Et estans les deux armées prestes de se ioindre & choquer, adonc les Espagnols mirent le feu à la trainée des bœufs, lesquels effarouchez de si soudaine & grāde flamme si proche d'eux, & sentans la chaleur aspre, furieux & eschauffez prindrent leur course impetueusement à trauers l'armée des Carthaginiens, laquelle ils mirent toute en desordre & confusio, ruans & renuersans par terre les plus forts & vail-lans; si bien qu'aisément les Espagnols eurent pour ceste fois victoire des Carthaginiens, des-

quels l'armée, avec leur Duc Amilcar, fut mise lors en route & desconfiture par ce stratageme & ruse.

D'Alexandre Roy d'Epire.

LEs Illiriens descendus en Epire, fourrageoiēt & brusloient tout le plat pays : à quoy Alexandre, Roy d'icelle Region, ne pouuant à son grand regret donner ordre, (car il auoit esté surpris) s'ayda de ceste astuce & subtilité ; il fist vêtir grand nombre d'Epirotes à la mode & façon des Illiriens, leur commandant que quād ils verroient leurs ennemis approcher & mettre le feu, qu'ils fissent le semblable : Les Illiriens dōc n'eurent pas si tost mis le feu par diuers lieux du pais, que ces Epirotes déguisez & reuestus en habits & maniere d'ennemis, n'en fissent tout autāt en plusieurs autres endroiets de la Region. Adonc les Illiriens voyans les feux allumez de ce côté là, s'y retirèrent ; & estimans y estre à sauueté, (car ils pensoient estre avec leurs compagnons, & les prenoient pour tels, au moyen de ceste feintise d'habits) ils posèrent leurs armes, & commencerent à se rafraeschir. Adonc ces Epirotes ainsi déguisez, se ruerent sur ces Illiriens, & les mirent tous à mort : & poursuiuans leur pointe, secourus du Roy Alexandre, & des autres Epirotes, mirent à sac le reste des Illiriens respandus en Epire.

De Mennon Roy de Rhodes.

MEnnon Roy de Rhodes estant trop plus fort de gendarmerie que ses ennemis, & ne les pouuant toutesfois aborder & combattre, au moyen des montagnes & lieux forts & inaccessibles où ils s'estoient retirez, delibera neantmoins les vaincre & debeller par ceste ruse: Il fist departir de son armée vn Cheualier, de ses plus principaux amis & familiers, luy commandant de s'aller rendre (feignant de s'estre reuolté contre luy) au camp des ennemis, & leur dire qu'en son ost y auoit grand discord & dissention. Ce Cheualier execute fort bien sa charge; & cependant le Roy Mennon, pour mieux coulourer la chose, fist avec grand murmure & émotion separer de son armée vne grande partie de ses gens d'armes, lesquels allerent prendre logis assez loing, tenans tout haut des termes & propos de vengeance: & faisoient cela tout expres, afin que les prisonniers ennemis qu'ils tenoient, les entendissent. Et encores pour de plus en plus couvrir la ruse, & la faire trouuer veritable, par le commandement du Roy Mennon, on laissa échaper vn de ces prisonniers, qui soudain se retira pardeuers les siens, leur racontât le desordre & dissention qui estoit au camp des Rhodiens, & qu'à ceste cause il seroit bon de leur liurer promptement la bataille. Ce que croyans trop legerement, & abandonnans leurs forts & montagnes, vindrent assaillir les Rhodiens, desquels ils furent tous enclos, & prins & occis: le-

quel exemple nous admoneste de n'adiouster foy ne croyance, ny prendre pied à ce qui sort du costé de l'ennemy.

d'Epaminonde, tres-vaillant Duc de Thebes.

Estant la bataille prestée à donner entre les Lacedemoniens & les Thebains, leur Duc Epaminonde sçachant ses ennemis estre tres-preux & hardis aux armes, avec cela en beaucoup plus grand nombre que les siens, que par ce moyen il voyoit vn peu mornes & refroidis, pour les remettre en leur accoustumée magnanimité & courage, il leur donna à entendre que le dessein & cōplot des Lacedemoniens leurs ennemis, estoit (comme il leur asseuroit au vray en auoir esté aduerty) que s'ils emportoient la victoire de ceste iournée, ils n'en prendroient pas vn seul d'eux à mercy, ny à rançon, ains les feroient tous passer par le fil de l'espée. Autant en feroient de tous les autres habitans de Thebes masles, sans espargner vieux ny adolescens, & emmeneroient leurs femmes & enfans en perpetuel seruage. Les Thebains furent tellement esmeuz de ce propos, que comme forcenez, ils se ietterent de telle rage & fureur en la bataille, que la victoire leur en demeura sur les Lacedemoniens, bien qu'ils fussent en nombre de gens & puissance superieurs des Thebains.

De Crates Duc d'Athenes.

CRates Duc d'Athenes estoit campé avec petite armée, attendât toutesfois grād secours :

mais craignant qu'il fust long & tardif à arriuer, & que cependāt les ennemis ne luy vinssent courre sus & l'assaillir, s'aduīsa de faire sortir de nuict fort secrettement de son camp certaine quantité de gens d'armes, & eux retirer en vne montagne; leur commandant que le lendemain à l'aube du iour, avec grands cris & huées, ils deualassent par le penchant de la montagne, se rendans en diligence à son camp, ce qu'ils firent: quoy voyans leurs ennemis, & pensans que ce fust nouuel secours qui fust arriué à Crates, ils changerent d'opinion, qui estoit de luy donner ce mesme iour la bataille; & se contindrent pour quelque temps, pendant lequel suruint le secours qu'attendoit Crates. Par ce stratageme & ruse il fassura de ses ennemis, & rōpit leur complot & entreprise.

De Fabius Maximus Consul de Rome.

FAbius Maximus, Consul Romain, tres-sage & rusé en guerre, ayant deliberé d'assieger Capouë, ville lors tres-forte & tres-bien garnie de toutes munitions, & principalement de viures, deuant qu'y dresser son camp enuoya grand nombre de ses gēsd'armes brusler & gaster les champs & terres prestes à moissonner à l'entour d'icelle ville, & autres lieux circonuoisins, ce qui mist fort la cherté en cestedite ville & Region. Ce faict, Fabius avec son armée prit sa route ailleurs pour ceste fois là, deliberant toutesfois d'y retourner en saison propre. Ceux de Capouë estimans qu'il s'en fust allé du tout, sans espoir de retour, em-

ployerent la plus grand part de leurs bleds à resemencer leurs terres, de sorte qu'il leur en demeura bien peu : dont Fabius aduerty, reuint deuant Capouë, gasta toutes les terres du pays ensemencees : puis ayant planté son siege deuant la ville, la contraignit par famine de se rendre à sa volonté. Par ceste cautelle & subtilité Fabius conquist ceste tres-forte ville, ce qu'il n'eust sceu faire par force, sans grande effusion de sang & perte des siens.

De Denis Roy de Siracuse.

DE mesmes & quasi semblable stratageme vsa Denis Roy de Siracuse : car apres plusieurs fortes places, par luy conquises en Sicile, & ayant assiegé la cité de Rege, garnie abondamment de tous viures, il fist (neantmoins subtilement, & pour puis-apres plus aisément la conquérir) paix avec les habitans d'icelle, à telle condition qu'ils fourniroiēt de viures son ost, iusques à certain temps limité, en les payant. Ce qu'estât entre eux accordé, Denis en fist achepter tres-grande quantité, & à tres-haut prix : dont les habitans de Rege affriandez, & voyant le grand profit qu'ils y faisoient, en vendirent en si grand foison, qu'il en demeura bien peu en la ville & aux champs. Alors Denis les voyant ainsi degarnis & destituez de viures, assiegea ceste ville de Rege, pressant si fort les habitans d'icelle par famine, qu'ils furent forcez & contraincts de rendre eux & leur ville en sa subjection.

D'Alexandre le grãd, Roy de Macedone.

Alexandre le Grand s'aida (ou peu s'en falut) de pareille ruse en la conqueste de la cité de Lancadis : Car deuant que de l'assiéger, il print plusieurs autres villes, citez, chasteaux & places voisines, sans faire aucun mal aux habitans, lesquels il laissoit tout de gré eschaper, & eux retirer en grand nombre dedans ladite cité de Lancadis, où il y auoit force viures, afin que par telle multitude de gens les viures fussent plustost consummez. Ce qui aduint peu apres : tellement que le siege d'Alexandre ne fut gueres deuant ceste cité, que les habitans affamez & diseteux de viures, ne se rendissent à la mercy de ce Roy Macedonien. Par ces trois derniers stratagemes on doit estre soigneusement aduertý de donner ordre, que par auarice, traictes, ou autrement, les viures ne manquent & deffaillent au Royaume, mesmes en temps de guerre ; & commettre sur ce, gens fides, pour en prédre le soing, & y auoir l'œil : charge vrayement digne des plus grands & excellens personages, & laquelle charge & soing, Trajan, Seuer septiesme, & Iulian, Empereurs tres-renommez, n'ont dedaigné ; ny pareillement le tres-illustre Prince, ny le preux Iules César, comme luy mesmes escrit en ses Commentaires septiesme ; ny le Prince Erictée d'Ægypte, ny Quinte Tulle Ciceron, ny Publie Sulpitie, tres-nobles Capitaines Romains, ny maints autres illustres & grands Seigneurs, qui ayans vertueuse-

ment exercé telle charge, ne se sont acquis moindres trophées, que par leurs proïesses & conquestes belliqueuses.

D'Amilcar Duc de Carthage.

Amilcar estant bien aduerty que la coustume des Romains estoit de recevoir amiablement ceux qui s'enfuyoient, & se retiroient vers eux, mesmes d'enuoyer au-deuant d'eux aux champs les soldats de Gaule pour les caresser en toutes sortes d'honneur & amitié : A ceste cause il depescha bon nombre des plus vaillans & hardis de son camp, bien armez souz leurs habits, pour eux retirer vers les Romains, feignant estre fugitifs & reuoltez de son alliance. Au-deuant de ces Carthaginiens vindrent plusieurs Romains, braues guerriers, mais n'ayans autres armes que l'espée & la dague : Sur lesquels (ne se doutans de ceste ruse) se ruerent les Carthaginiens, & tost les taillerent en pieces. Par telle subtilité les Romains receurent double perte : l'une, de leurs vaillans gens d'armes & soldats : l'autre, que oncques-puis ils n'adjousterent foy, ne creance à ceux qui se rendoient volontairement fugitifs vers eux, & n'en voulurent iamais depuis recevoir seruice, soit de faict, soit de parole, quelque conseil ou aduertissement bon & veritable, ny secours qu'ils leur offrisent ; ains les punissoient aigrement, comme entre-autres vous verrez par ce stratageme ensuiuant.

De Hannibal Duc de Carthage.

HAnnibal pour se venger d'aucuns Carthaginiens, qui auoient malheureusemēt quit-
té son party, & l'abandonnās s'en estoient fuyz &
rendus aux Romains, fist à son de trompe crier &
publier par tout son cāp, qu'on n'eust en mauuais
estime les Cheualiers qui s'estoient secrettement
partis de son armée, & retirez deuers les Ro-
mains, car ils estoient bons & loyaux gens d'ar-
mes, & que ce qu'ils en auoient faict, ce auroit
esté par son congé & ordonnance, & afin de sça-
uoir le conseil & dessein des Romains leurs en-
nemis. Ce cry que fit faire Hannibal par tout
fondit camp, fust afin que les Romains en fus-
sent aduertis, car il sçauoit bien qu'en son ost ils
auoient plusieurs espies, qui ne feroient faute de
leur en donner aduertissement. Les Romains
donc ayans receu ceste nouuelle, firent saisir ces
Carthaginiens fugitifs, & à iceux couper les
poings, quelque deuoir & seruice qu'ils leur pro-
missent; & en telle sorte les renuoyerent à leur
Prince, qui en print encores telle vengeance que
bon luy sembla.

De Corille Duc de Dace.

COrille Duc de Dace estoit bien certain qu'il
y auoit grande diuision & dissention à Rome
entre le peuple (lors y dominant): & bien que les
Romains luy feussent mortels ennemis, & qu'il

eust receu d'eux plusieurs iniures & dommages, neantmoins il ne s'en esmouuoit point d'auantage, & ne monstroit aucun semblant de s'en venger: Dont les Daciens peu contens, luy persua- doient & pressoient de faire la guerre aux Ro- mains, puis que si belle occasion s'y offroit: mais, comme Prince prudent & sage qu'il estoit, leur remonstroit entre autres raisons, que ce peuple pourroit bien se reconcilier ensemble, & que partant c'estoit chose dangereuse de les assaillir, & que la fin de telle entreprinse n'en vaudroit iamais rien, & qu'il n'en aduiendroit que toute perte & malheureté: toutesfois il ne sceust tant faire par sa harangue & remonstrance, qu'il sceust diuertir les Daciens de leur mauuaise opinion d'esmouuoir la guerre. Ce que voyant, & pour les en dissuader, il s'aduisa de ce stratageme: Il fit au milieu d'un grand parc (tous ces Daciens presens) deslacher deux gros & puissans mastins (qui naturellement s'entrehayoient,) pour combattre l'un contre l'autre: & comme ils furent fort eschauffez & acharnez à se deschirer & entremordre, par le commandement de Corille, fut mis & lasché en la mesme place vn hideux & espouuentable loup, pour la presence & crainte duquel les mastins ayans bien tost appaisé leur fureur, tous deux d'un accord adenterent ce loup, (leur naturel & ancien ennemy) si estrangement, que finalement ils l'estranglerent. Par lequel stratageme, ce Prince prudemment retira les Daciens de leur folle opinion. La fin de ceste subtilité pourra ser- uir d'aduertissement (par cest exemple de ce loup)

à tous, quels qu'ils soient, de ne se ruer sur vn Royaume, peuples ou amis diuisez & en trouble, ny de l'opprimer & assaillir, de peur que les guerres ciuiles appaisées, & les forces reünies, tous ne se jettent sur les iniustes assaillans, & en fin les perdent & destruisent du tout.

*De Pericle Duc des Atheniens,
tres-illustre.*

Pericle chef de l'armée Athenienne, menant guerre en Peloponessë, fut tellement pouruiuy par les Peloponessiens ses ennemis, qu'il se trouua enclos entre deux montagnes, esquelles n'y auoit que deux issuës : pour obuier auquel danger, il mit en l'vne de ces issuës & destroicts (pour la garder & deffendre) vn bon & grand nombre des plus vaillans & hardis de son armée. En l'autre issuë, & destroict (y ayant retiré le reste de son armée) il fit faire vn fossé merueilleusement large & profond, pour de ce costé là empêcher l'entrée & passage à ses ennemis. Cependant, secrettement & en diligence, ayant faict faire vn pont, auant que de le dresser il marcha à petit pas avec sadite armée vers l'issuë où il auoit mis ses gens pour la garder & deffendre, feignant de se vouloir sauuer & eschaper par ce passage. Adonc les Peloponessiens delaisserent le destroit auquel estoit ce profond fossé, estimans que iamaïs l'armée de Pericle ne pourroit passer par là, & se prindrent à tournoyer la montagne, pour faire front, & boucher le chemin de l'autre

destroit aux Atheniens. Ce que Pericle apperceuant, tout soudain tourne bride, & en grande diligence faict dresser ce pont, sur lequel il passa, sans aucun danger ny perte des siens.

ORDONNANCE DV ROY, SVR le reglemēt & ordre que doit tenir l'Infanterie.

LE Roy Henry II, apres la prise de Boulogne, re-
cognoissant & approuuant l'ordre qui auoit esté tenu
en vn si long siege, demanda au sieur de Chastillon
(qui faisoit la charge de Colomnel general de l'In-
fanterie Française) quels preceptes il auoit tenu pour
maintenir les Soldats en leur deuoir, & luy commanda mettre par
escript les ordonnances qu'il auoit dressées pour cest effect : & les
ayant communiquées à Messieurs les Conestable & Marechaux
de France, & autres grands personnages, les fit versifier es Cours
où il estoit besoin de seruir de loy à l'aduenir, en la forme qui ensuit.

PREMIEREMENT,

QUE les Capitaines ne suborneront les Soldats les vns
des autres, ny ne les receuront en leurs compagnies
sans auoir congé par escript du Capitaine qu'ils laisseront,
sur peine d'estre priuez pour vn mois de leur estat, appli-
quable au Capitaine d'où ils partiront, avec obligation de
les rendre & renioyer à leurs Enseignes.

Après la montre faicte, le Capitaine ne pourra donner
congé au Soldat qu'il n'aye seruy le mois, & le Soldat qui
partira sans congé par escript sera passé par les picques ou
harquebuzes, selon les armes qu'il porte : & en demandant
congé avec occasion trois iours auant la fin du mois, le Ca-
pitaine sera tenu luy donner & signer, autrement luy sera
commandé par le Colomnel ou Maistre de Camp, à qui le
Soldat aura recours.

Quand les bandes deslogeront de lieu à autre, le Soldat
ne pourra changer ne abandonner son Capitaine, sur peine
si c'est dans le mois, d'estre passé par les armes, & si c'est à
la fin, sera mis l'espace d'un mois en prison, & incapable de

pouoir estre receu de nul Capitaine trois mois apres.

Les armes que le Soldat aura iouées seront confiscuées à son Capitaine, & les pourra prendre où il les trouuera, estās perduës tant pour celuy qui les aura iouées, que pour celuy qui les gaignera, & si sera mis le perdant en prison 8. iours.

Le Soldat qui vendra ou engagera ses armes, elles seront confiscuées à son Capitaine, ainsi que dessus.

Le Soldat qui faudra à la faction sans licence de son Capitaine, ou autre excuse legitime, sera passé par les armes.

Le Soldat qui ne se trouuera aussi promptement à vne alarme, ordonnance ou autre affaire, comme son Enseigne, sera passé par les armes.

Le Soldat qui sans excuse legitime abandonnera le guet, escoute, ou autre lieu où son Sergent l'aura mis, sera passé par les armes.

Le Sergent Majeur sera obey des Capitaines, Officiers & Soldats, en ce qu'il commandera en son office, & ce sur peine, si c'est du Capitaine ou Officiers, d'estre punis arbitrairement du Colomnel: si c'est le Soldat, de demander pardon au Roy, au Colomnel, au Sergent Majeur deuant toutes les compagnies: & estant despoüillé & desgradé de toutes armes, banny des bandes.

Celuy qui iniuriera le Sergent Majeur en faisant son office, si c'est Capitaine, sera puny arbitrairement par le Colomnel, & si c'est Soldat, sera passé par les armes.

Les Capitaines facent chacun en leurs bandes que tous Soldats obeïssent à leurs Sergēs & chef d'esquadres, à leurs offices, sans les iniurier, sur peine, si l'iniure est verbale, de luy demander pardon deuant toutes les bandes, & si elle est de faict, d'estre passé par les armes.

Le Soldat qui en guerre donnera cry d'une nation, sera passé par les armes.

Quand vne querelle suruiendra entre deux ou plusieurs, nul, s'il n'est Capitaine ou Officier n'y pourra porter aucunes armes que son espée, sur peine de cōfiscation d'icelles, & de punition, à l'arbitrage du Colomnel.

Si vn Capitaine ou Officier de bande suruient à vne querelle, & qu'il trouue quelque Soldat ayant l'espée au poing, & soudainement pour les despartir crierà, ceux qui ont mis

l'espée au poing ne pourront plus tirer nuls coups, à peine d'estre passé par les armes.

Le Soldat qui a querelle à vn autre ne pourra s'accompagner, sur peine que luy & ceux qui l'accompagneront, seront passez par les armes.

Le Soldat qui de guet apent, meschammé: & avec aduantage tuera ou blessera quelqu'un, sera passé par les armes.

Le Soldat qui sans legitime occasion dira iniure qui touche l'honneur d'un autre, ladite iniure & hôte retournera à luy-mesme, & luy sera déclaré deuant ses compagnons.

Quand vn Soldat avec aduantage aura faict desdire vn autre de quelque chose, le Capitaine à qui sera l'assaillant fera demander pardon à l'assailly, estant la desdite nulle, & ledit assaillant banny des bandes.

Le Soldat qui sans iuste occasion desmentira vn autre, sera mis en la place publique, & enseigne desployée, & teste nue demandera pardon au Colomnel & à celuy qu'il aura desmenty.

Le prouoqueur d'une querelle, sans legitime occasion, perdra le camp & les armes.

Le Soldat qui donnera vn soufflet à vn autre pour moindre occasion que d'un desmenty, en receura vn autre de ce-luy à qui il l'aura donné, en la presence du Colomnel, ou du Maistre de Camp, & sera banny des bandes.

Quand deux Soldats auront vne querelle, se retireront à leurs Capitaines, qui regarderont à les accorder, lesquels en communiqueront au Maistre de Camp, & là où ils ne les pourront appoincter, feront entendre le faict au Colomnel pour en ordonner la raison.

Quand vn Soldat refusera de payer à vn autre ce qu'il doit, le creditur se retirera au Capitaine du debteur, qui le fera payer aux monstres, sans venir par voye de question sur peine arbitraire.

Nul Soldat ne pourra presenter nul cartel à vn autre sans licence du Colomnel, sur peine d'estre desgradé des armes, & banni des bandes.

Le Soldat qui outrage vn autre, ou desgainera sur luy estât en guet, ordonnance ou faction, sera passé par les armes.

Celuy qui mettra les mains aux armes dedans les villes

ou places de garde, perdra le poing publiquement.

Le Soldat qui en combattant perdra ses armes laschemēt, & qui se rendra sans grāde occasion, sera banni des bandes, & incapable de iamais porter armes.

Le Soldat ne laissera aller prisonnier de guerre, sans le dire à son Capitaine, qui en aduertira le Colomnel, sur peine d'estre condamné, selon sa qualité.

Le Soldat qui en assault ou prinse de place ne suiura son Enseigne, pour s'amuser à saccager, ou autre profit apres la place prinse, sera deualisé, dégradé, & banny des bandes.

Le Soldat qui desfrobera biens d'Eglise à la guerre ou autrement, sera pendu & estranglé.

Le Soldat ne pourra parlementer, ne auoir cognoissance à Trompette, Tabourin, ny autre des ennemis, sans le congé de son Capitaine, ny Capitaine sans congé du Colomnel.

Celuy qui forcera femme ou fille, sera pendu & estranglé.

Celuy qui destrouffera viuandiers ou marchands des nostres, sera pendu & estranglé.

Le Soldat qui entrera ou sortira d'une place de garde, ou autre lieu, que par les passages ordinaires, sera passé par les armes.

Le larron de boutique sera pendu & estranglé.

Le Soldat qui piperā au ieu, ou desfrobera les armes d'un autre, sera pendu & estranglé.

Le Soldat qui blasphemera le nom de Dieu en vain, sera mis en place publique au Carquant par trois iours, trois heures à chaque fois, & à la fin d'iceux teste nuë demandera pardon à Dieu.

Quand l'Enseigne marchera par les champs, le Soldat ne l'abandonnera pour aller en fourrage ou autre lieu, sans congé de son Capitaine, sur peine d'estre passé par les armes.

Nul Soldat ne pourra iniurier n'empescher le Preuost des bandes ou ses gens, sur peine de la vie.

Quand le Colomnel demandera le Soldat delinquant, celui qui le recelera, ou fera fuir, sera puny au lieu du fugitif.

Tout Capitaine trouuant un Soldat faussant les susdites Ordonnances, le pourra punir & chastier, autant d'autre compagnie que de la sienne, sans en pouuoir estre repris de personne.